

অধ্যায়-৯

বাংলাদেশের অর্থনৈতিক ও টেকসই উন্নয়ন

SOS

অতি সংক্ষিপ্ত প্রশ্নোত্তর :

* ১। গ্রামীণ অর্থনীতি (Rural Economy) কাকে বলে? বাকাশিবো- ০২

উত্তর : গ্রামীণ অর্থনীতি বলতে সঠিক উন্নতির জন্য গ্রাম বা পল্লিকে কেন্দ্র করে বিভিন্ন অর্থনৈতিক কর্মসূচি বা কর্মকাণ্ডকে বুঝায়।
অর্থাৎ, গ্রামভিত্তিক অর্থনীতিকেই গ্রামীণ অর্থনীতি বলে।

** ২। গ্রামীণ অর্থনীতির বৈশিষ্ট্য কী?

বাকাশিবো- ২০১৭'পর, ১৮'পর, ২৫

অথবা, গ্রামীণ অর্থনীতির প্রধান বৈশিষ্ট্যগুলো উল্লেখ কর।

উত্তর : গ্রামীণ অর্থনীতির বৈশিষ্ট্যগুলো নিম্নরূপ :

- ১) গ্রামীণ অর্থনীতি গ্রামকে কেন্দ্র করে গড়ে ওঠে।
- ২) গ্রামীণ অর্থনীতি মূলত কৃষির উপর নির্ভরশীল।
- ৩) এ অর্থনীতে সুযোগ-সুবিধা কম থাকে।
- ৪) এখানে অক্ষর জ্ঞানহীন লোকের উপস্থিতি বেশি।

* ৩। গ্রামীণ অর্থনীতির প্রধান খাতগুলো কী কী?

বাকাশিবো- ২০১৮

উত্তর : গ্রামীণ অর্থনীতির প্রধান খাত হলো কৃষি। এছাড়াও অন্যান্য খাতগুলো হলো- জেলে, কামার-কুমোর, হস্তশিল্প ইত্যাদি।



**** ৪। বাংলাদেশের অর্থনীতির প্রধান প্রধান বিষয় বা খাত (Issue)-গুলো কী কী?**

বাকাশিবো- ২০০০, ১৪'পরি

উত্তর : বাংলাদেশ মূলত কৃষিপ্রধান দেশ। এখানের অর্থনীতি কৃষিভিত্তিক। তবুও দেশের অন্যান্য বিষয় বাংলাদেশের অর্থনীতির উপর প্রভাব বিস্তার করে। বাংলাদেশের অর্থনীতির উপর প্রভাব বিস্তার করে এমন প্রধান বিষয় বা খাতসমূহ হলো :

- ১) কৃষি,
- ২) জনসংখ্যা,
- ৩) শিক্ষা,
- ৪) প্রাকৃতিক সম্পদ ও শিল্প,
- ৫) পুঁজি ও বিনিয়োগ,
- ৬) যোগাযোগ ও পরিবহন,
- ৭) বৈদেশিক সাহায্য,
- ৮) রাজনৈতিক অবস্থা প্রভৃতি।

***** ৫। প্রাকৃতিক সম্পদ কী?**

বাকাশিবো- ২০০৩, ০৫, ১৮

অথবা, প্রাকৃতিক সম্পদ বলতে কী বুঝায়?

বাকাশিবো- ২০১৮

উত্তর : প্রকৃতি প্রদত্ত সকল সম্পদকেই প্রাকৃতিক সম্পদ বলে। অর্থাৎ, মানুষের প্রয়োজনে ব্যবহৃত প্রকৃতির দেয়া সকল সম্পদকে প্রাকৃতিক সম্পদ বলে। প্রাকৃতিক সম্পদ মানুষের দৈনন্দিন জীবনে বিভিন্ন অর্থনৈতিক কর্মকাণ্ডে সহায়তা করে থাকে।

** ৬। বাংলাদেশের প্রধান প্রধান রপ্তানি দ্রব্যগুলো কী কী?

বাকাশিবো- ২০০০, ০৮

উত্তর : বাংলাদেশের প্রধান প্রধান রপ্তানি দ্রব্যগুলো হলো :

তৈরী পোশাক, হোম টেক্সটাইল, চামড়া ও চামড়াজাত পণ্য, ওষুধ, বাইসাইকেল, প্লাস্টিক পণ্য, কৃষিপণ্য, পাট ও পাটজাত পণ্য ইত্যাদি। এগুলো রপ্তানি করে বাংলাদেশে প্রচুর বৈদেশিক মুদ্রা অর্জন করে।

*** ৭। বাংলাদেশের প্রাকৃতিক সম্পদ সমূহ কী কী?

বাকাশিবো- ২০০১, ০৩, ০৭, ১২

অথবা, বাংলাদেশের প্রধান প্রাকৃতিক সম্পদসমূহ কী কী? বাকাশিবো- ১৯৯৯

অথবা, বাংলাদেশের প্রাকৃতিক সম্পদের উৎসগুলো উল্লেখ কর।

বাকাশিবো- ২০১৮

উত্তর : বাংলাদেশের প্রাকৃতিক সম্পদের মধ্যে রয়েছে উর্বর ভূমি, নাতিশীতোষ্ণ জলবায়ু, বৃষ্টিপাত, পানি সম্পদ, খনিজ, বনজ, প্রাণিজ সম্পদ, মৎস-সম্পদ, গ্যাস, তৈল ও কয়লা প্রভৃতি।

** ৮। বরেন্দ্রভূমি কাকে বলে?

বাকাশিবো- ২০০২, ০৪'পরি

উত্তর : বাংলাদেশের উত্তরাঞ্চলের রংপুর ও দিনাজপুরে বরেন্দ্রভূমিতে বনভূমি রয়েছে। শালবন মাটির স্বাভাবিক স্তরের কিছুটা উঁচুতে বলে একে বরেন্দ্রভূমি বলে।

৯। মাথাপিছু আয় বলতে কী বুঝায়?

উত্তর : কোনো দেশের মোট জাতীয় আয়কে ঐ দেশের মোট জনসংখ্যা দিয়ে ভাগ করলে জনপ্রতি যে গড় আয় পাওয়া যায়, তাকে মাথাপিছু আয় বলে।

$$\text{অর্থাৎ মাথাপিছু আয়} = \frac{\text{মোট জাতীয় আয়}}{\text{মোট জনসংখ্যা}}।$$

SOS**সংক্ষিপ্ত প্রশ্নোত্তর :**

*** ১। গ্রামের মানুষ শহরে আগমনের কারণ কী?

বাকাশিবো- ২০০২, ০৪, ০৬, ১৮, ২৩, ২৪

অথবা, গ্রামের জনগণের শহরমুখী হবার কারণ কী কী? বাকাশিবো- ১৯৯৮, ৯৯

অথবা, গ্রাম থেকে মানুষের শহরে স্থানান্তরের কারণ কী?

বাকাশিবো- ২০০১, ০৩, ০৬, ০৮, ১৬'পরি

উত্তর : গ্রাম থেকে শহরে সকল দিকেই সুযোগ-সুবিধা বেশি বলে গ্রামের জনগণের শহরে আসার প্রবণতা বৃদ্ধি পাচ্ছে। যে সকল কারণে গ্রামের মানুষ শহরে আগমন করে তা নিম্নে দেওয়া হলো :

- ১) উপার্জনের আশায়
- ২) নিরাপত্তার আশায়
- ৩) প্রাকৃতিক দুর্যোগের তাড়নায়
- ৪) জীবনযাত্রা নিম্নমানের কারণে
- ৫) ব্যবসা-বানিজ্য ও কর্মসংস্থানের কারণে
- ৬) শিক্ষার কারণে
- ৭) গ্রামে পর্যাপ্ত কাজ না থাকার কারণে ইত্যাদি।



২। বাংলাদেশের খনিজ সম্পদের তালিকা প্রস্তুত কর। বাকাশিবো- ২০০৫
অথবা, বাংলাদেশের প্রাপ্ত খনিজ সম্পদের বিবরণ দাও। বাকাশিবো- ২০১৬'পরি

উত্তর : বাংলাদেশ খনিজ সম্পদে যথেষ্ট সমৃদ্ধ নয়। এদেশের উন্নয়ন এবং অর্থনৈতিক কাজে খনিজ সম্পদ বিশেষ গুরুত্বপূর্ণ ভূমিকা পালন করে থাকে। বাংলাদেশে যে-সব খনিজ সম্পদের সন্ধান পাওয়া গেছে তার মধ্যে প্রাকৃতিক গ্যাস, কয়লা, খনিজ তেল, চুনাপাথর, আকরিক লৌহ, তামা চীনা মাটি প্রভৃতি। নিম্নে এ সম্পর্কে আলোচনা করা হলো :

১) প্রাকৃতিক গ্যাস : এদেশের খনিজ সম্পদের মধ্যে প্রাকৃতিক গ্যাস অন্যতম। প্রাকৃতিক শক্তির অন্যতম উৎস প্রাকৃতিক গ্যাস। এটি দেশের বিভিন্ন কাজে ব্যবহৃত হয়ে থাকে। এদেশে বর্তমানে ২৯টি গ্যাস ক্ষেত্র রয়েছে।

২) কয়লা : কয়লা বাংলাদেশের একটি অন্যতম গুরুত্বপূর্ণ খনিজ সম্পদ। রাজশাহী, সিলেট ও বগুড়ায় উৎকৃষ্ট কয়লার সন্ধান পাওয়া গেছে।

৩) খনিজ তৈল : সিলেটের হরিপুর এবং মৌলভীবাজারে দুটি তৈল খনি আবিষ্কৃত হয়েছে। এখানে প্রতিদিন প্রায় ১৮০০ ব্যারেল তৈল উৎপাদন করা হয়।

৪) চুনাপাথর : চুনাপাথর বাংলাদেশের একটি বিশেষ প্রয়োজনীয় সম্পদ। এদেশ চুনাপাথরে সমৃদ্ধ। সিলেট, সুনামগঞ্জ, বগুড়া ও সেন্টমার্টিন দ্বীপে চুনাপাথরের সন্ধান পাওয়া গেছে।

৫) তামা : বাংলাদেশের রংপুর জেলায় রানিপুকুর এবং দিনাজপুর জেলার মধ্যপাড়ায় তামার সন্ধান পাওয়া গেছে।

SOS**রচনামূলক প্রশ্নোত্তর :**

*** ১। স্বয়ংক্রিয় উন্নয়ন বলতে কী বুঝায়? প্রাকৃতিক সম্পদ ব্যবহারের ক্ষেত্রে স্বয়ংক্রিয় উন্নয়ন বর্ণনা কর।

অথবা, টেকসই উন্নয়নে প্রাকৃতিক সম্পদের ভূমিকা বিশ্লেষণ কর।

বাকাশিবো- ২০১৭'পরি, ১৮, ২০'পরি

অথবা, টেকসই উন্নয়নে নবায়নযোগ্য শক্তি ব্যবহারের গুরুত্ব কী?

বাকাশিবো- ২০১৯

উত্তর : স্বয়ংক্রিয় উন্নয়ন :

টেকসই বা স্বয়ংক্রিয় উন্নয়ন বলতে উন্নয়ন প্রক্রিয়ার এমন একটি স্তরে পৌঁছানো বুঝায়, যে স্তরে উন্নয়ন কার্যক্রম পরিচালনার জন্য সচেতনভাবে কষ্টসাধ্য পদক্ষেপ গ্রহণ করার প্রয়োজন হয় না। অর্থনৈতিক উন্নয়ন প্রক্রিয়া শুরু হলে অর্থনৈতিক শক্তিসমূহের (আয়, সঞ্চয়, বিনিয়োগ, দ্রব্যমূল্য, মুনাফা, সুদের হার, উৎপাদন, চাহিদা, যোগান ইত্যাদি) পারস্পরিক ক্রিয়া-বিক্রিয়ার ফলে অর্থনীতিতে একটি গতিবেগ সঞ্চারিত হয়। ফলে অর্থনীতি নিজস্ব গতিতেই অগ্রসর হতে থাকে এবং অর্থনৈতিক উন্নয়ন উচ্চতর মাত্রা অর্জন করে। এ অবস্থাকে স্বয়ংক্রিয় উন্নয়ন বলা চলে।

প্রাকৃতিক সম্পদ ব্যবহারের ক্ষেত্রে স্বয়ংক্রিয় উন্নয়ন :

অর্থনৈতিক উন্নয়নের জন্য প্রাকৃতিক সম্পদ এবং মানব সম্পদ- এ দুয়ের সমন্বয় আবশ্যিক। বাংলাদেশের জনসংখ্যার অপ্রতুলতা নেই বরং জনসংখ্যাধিক্যই রয়েছে। তবে এই জনসংখ্যাকে অর্থনৈতিক উন্নয়নের উপাদান হিসেবে ব্যবহার করার ক্ষেত্রে জনসংখ্যাকে জনশক্তি বা জনসম্পদে পরিণত করা প্রয়োজন। অর্থনৈতিক উন্নয়নের জন্য প্রয়োজনীয় অপর মৌলিক উপাদান প্রাকৃতিক সম্পদ। প্রাকৃতিক সম্পদের ক্ষেত্রে বাংলাদেশ সমৃদ্ধ নয়-

একথা বলা চলে না। অনুকূল আবহাওয়া কৃষিকার্যের জন্য অত্যন্ত উপযুক্ত। বিস্তৃত কৃষিক্ষেত্র, পানি সম্পদের প্রাচুর্য, বনজ, খনিজ, প্রাণিজ ও শক্তি সম্পদের প্রাপ্যতা ইত্যাদি বাংলাদেশে অর্থনৈতিক উন্নয়নের একটি অনুকূল পরিস্থিতি সৃষ্টি করে রেখেছে।

অর্থনৈতিক উন্নয়ন কোনো দেশের জনগণের প্রকৃত মাথাপিছু আয় বৃদ্ধির সাথে অর্থনৈতিক অবকাঠামোর রূপান্তরের একটি অব্যাহত প্রক্রিয়া। প্রাকৃতিক সম্পদকে ব্যবহারের মাধ্যমে ক্রমান্বয়ে উৎপাদনের পরিমাণ বৃদ্ধি করে জনগণের মৌলিক চাহিদা পূরণ ও জীবনযাত্রার মানের ক্রমাগত উন্নয়নই অর্থনৈতিক উন্নয়ন। তাই অর্থনৈতিক উন্নয়ন কোনো খণ্ড বা বিচ্ছিন্ন প্রক্রিয়া নয়-দীর্ঘকাল ধরে চলমান অব্যাহত একটি প্রক্রিয়া। অর্থনৈতিক উন্নয়নের এ প্রক্রিয়াকে বজায় রাখতে, সংরক্ষণ ও লালন করতে এবং উন্নয়নকে স্বয়ংক্রিয় করতে হলে প্রাকৃতিক সম্পদের অব্যাহত প্রাপ্যতা আবশ্যিক।

তাই বাংলাদেশে অর্থনৈতিক উন্নয়নের এবং সেই উন্নয়নকে বজায় রাখার উজ্জ্বল সম্ভাবনা রয়েছে। এই সম্ভাবনাকে বাস্তবায়নের জন্য সৎ, বলিষ্ঠ ও দক্ষ নেতৃত্ব প্রয়োজন। প্রচুর জনসংখ্যা, বিবিধ ব্যবহৃত এবং অব্যবহৃত প্রাকৃতিক সম্পদ, খনিজ ও শক্তি সম্পদ লভ্য হওয়ার সম্ভাবনা-এই উপাদানসমূহকে কাজে লাগানো সম্ভব হলে অর্থনৈতিক উন্নয়ন নিশ্চিত হবে।

*** ২। অর্থনৈতিক উন্নয়নে খনিজ সম্পদের গুরুত্ব বর্ণনা কর।

বাকাশিবো- ২০১৮

অথবা, বাংলাদেশে প্রাপ্ত খনিজ সম্পদের সংক্ষিপ্ত বিবরণ দাও।

বাকাশিবো- ২০১৭'পরি, ১৯'পরি

উত্তর : বাংলাদেশ খনিজ সম্পদে যথেষ্ট সমৃদ্ধ নয়। এদেশের উন্নয়ন এবং অর্থনৈতিক কাজে খনিজ সম্পদ বিশেষ গুরুত্বপূর্ণ ভূমিকা পালন করে।

বাংলাদেশে যে-সব খনিজ সম্পদের সন্ধান পাওয়া গেছে তার মধ্যে রয়েছে প্রাকৃতিক গ্যাস, কয়লা, খনিজ তেল, চুনাপাথর, আকরিক লৌহ, তামা, চীনা মাটি প্রভৃতি।

নিম্নে খনিজ সম্পদ সম্পর্কে আলোচনা করা হলো :

- ১) প্রাকৃতিক গ্যাস : এদেশের খনিজ সম্পদের মধ্যে প্রাকৃতিক গ্যাস অন্যতম। প্রাকৃতিক শক্তির অন্যতম উৎস প্রাকৃতিক গ্যাস। এটি দেশের বিভিন্ন কাজে ব্যবহৃত হয়ে থাকে। এদেশে প্রায় ২৯টি গ্যাস ক্ষেত্র রয়েছে।
- ২) কয়লা : কয়লা বাংলাদেশের একটি অন্যতম গুরুত্বপূর্ণ খনিজ সম্পদ। রাজশাহী, সিলেট ও বগুড়ায় উৎকৃষ্ট কয়লার সন্ধান পাওয়া গেছে।
- ৩) খনিজ তৈল : সিলেটের হরিপুর এবং মৌলভীবাজারে দুটি তৈল খনি আবিষ্কৃত হয়েছে। এখানে প্রতিদিন প্রায় ১৮০০ ব্যারেল তৈল উৎপাদন করা হয়।
- ৪) চুনাপাথর : চুনাপাথর বাংলাদেশের একটি অন্যতম গুরুত্বপূর্ণ খনিজ সম্পদ। এদেশে চুনাপাথর সমৃদ্ধ। সিলেট, সুনামগঞ্জ, বগুড়া ও সেন্টমার্টিন দ্বীপে চুনাপাথরের সন্ধান পাওয়া গেছে।
- ৫) তামা : বাংলাদেশের রংপুর জেলায় রানিপুকুরে এবং দিনাজপুর জেলার মধ্যপাড়ায় তামার সন্ধান পাওয়া গেছে।
- ৬) চীনা মাটি : ময়মনসিংহ জেলার বিজয়পুর, নওগাঁ জেলার পত্নীতলায় চীনা মাটির সন্ধান পাওয়া গেছে।
- ৭) নুড়ি পাথর : এদেশের সিলেট, দিনাজপুর, লালমনিরহাট প্রভৃতি স্থানে নুড়ি পাথরের সন্ধান পাওয়া গেছে। রাস্তাঘাট, পুল মেরামত প্রভৃতি কাজে এটি ব্যবহার করা হয়ে থাকে।

৮) গন্ধক : চট্টগ্রাম জেলার কতুবদিয়া দ্বীপে গন্ধকের সন্ধান পাওয়া গেছে। বারুদ, ঔষধ ও দিয়াশলাই প্রভৃতি কাজে এটি ব্যবহৃত হয়ে থাকে।

৯) সাদামাটি : ময়মনসিংহ জেলার বিজয়পুরে সাদামাটির সন্ধান পাওয়া গেছে। বাণিজ্যিক কাজে এটি ব্যবহৃত হয়ে থাকে।

অর্থনৈতিক উন্নয়নে খনিজ সম্পদের গুরুত্ব :

১) কৃষি উন্নয়ন : বাংলাদেশ কৃষিপ্রধান দেশ। এদেশের অর্থনীতি মূলত কৃষিভিত্তিক। গ্যাসভিত্তিক সার ও বিদ্যুৎ কৃষি উন্নয়নে বিশেষ ভূমিকা পালন করে আসছে।

২) শিল্পায়নে : এদেশের শিল্পক্ষেত্রেও বিভিন্ন ধরনের খনিজ সম্পদ ব্যবহার করা হয়। যেমন : চুনাপাথর, মৃত্তিকা, গ্যাস, বালু ইত্যাদি বিভিন্ন শিল্পে ব্যবহৃত হয়ে শিল্পায়নে গুরুত্বপূর্ণ অবদান রাখে।

৩) বৈদেশিক মুদ্রা অর্জনে : দেশে যে পরিমাণ গ্যাস আছে তার উপর ভিত্তি করে যদি আরও সারকারখানা গড়ে ওঠে এবং বিদ্যুৎ উৎপাদন কেন্দ্র নির্মাণ করা হয়, তাহলে দেশের চাহিদা মিটিয়ে বিশ্ববাজারে রপ্তানি করে ব্যাপক বৈদেশিক মুদ্রা অর্জন করা সম্ভব।

৪) সামরিক উন্নয়ন : এদেশ হতে প্রাপ্ত খনিজ সম্পদ ব্যবহার করে বিভিন্ন ধরনের অস্ত্রশস্ত্র নির্মাণ করতে পারে। এতে এদেশের সামরিক বাহিনী শক্তিশালী হবে।

৫) কর্মসংস্থান সৃষ্টি : বাংলাদেশে অসংখ্য লোক বেকার। এ বেকার লোকের কর্মসংস্থানের জন্য শিল্পায়ন আবশ্যিক। আর শিল্পায়ন ঘটলে কর্মসংস্থানের সুযোগ ঘটবে। সেহেতু শিল্পায়নের জন্য খনিজ সম্পদ বিশেষ ভূমিকা রাখতে পারে।

৬) পরিবহন ও যোগাযোগ ব্যবস্থার উন্নয়ন : বাংলাদেশের পরিবহন ব্যবস্থার আরও উন্নয়ন করতে হলে শক্ত পাথরের ব্যবহার আরও বাড়াতে হবে।

৭) জীবনযাত্রার মান উন্নয়ন : খনিজ সম্পদের যথাযথ ব্যবহার করে আমাদের দেশের মানুষের সঠিক জীবনযাত্রার মান আরও ত্বরান্বিত করা সম্ভব। তাই এক্ষেত্রে খনিজ সম্পদ বিশেষ অবদান রাখতে পারে।

এভাবেই খনিজ সম্পদ বাংলাদেশের অর্থনৈতিক উন্নয়নে গুরুত্বপূর্ণ ভূমিকা পালন করে থাকে।

*** ৩। বাংলাদেশের অর্থনৈতিক উন্নয়নে ডিপ্লোমা ইঞ্জিনিয়ারদের ভূমিকা ব্যাখ্যা কর।

বাকাশির্বো- ১৯৯৮, ৯৯, ২০০২, ০৪'পরি, ০৫, ০৯, ১১, ১৬, ১৭, ২৩, ২৫

অথবা, একজন ডিপ্লোমা ইঞ্জিনিয়ারের সাধারণ কার্যাবলি বর্ণনা কর।

বাকাশির্বো- ১৯, ১৯'পরি

অথবা, বাংলাদেশের সামগ্রিক অর্থনৈতিক উন্নয়নে একজন ডিপ্লোমা ইঞ্জিনিয়ার/প্রকৌশলীর ভূমিকার ব্যাখ্যা কর।

বাকাশির্বো- ২০১৪, ১৫, ২৪

উত্তর : জাতীয় অর্থনৈতিক উন্নয়নের সকল ক্ষেত্রেই ডিপ্লোমা প্রকৌশলীগণ গুরুত্বপূর্ণ ভূমিকা পালন করে চলেছেন।

ডিপ্লোমা প্রকৌশলীদের ভূমিকা :

কৃষি : কৃষি উন্নয়নের মূল উপকরণসমূহের মধ্যে সেচ, সার, বীজ ও কীটনাশক এবং কৃষি যন্ত্রপাতি অন্যতম।

১) সেচ : কৃষি উন্নয়নে সেচ মুখ্য ভূমিকা পালন করে। সেচ সুবিধা প্রদানের ক্ষেত্রে—

১) পাম্প, বৈদ্যুতিক মোটর বা ইঞ্জিন, বৈদ্যুতিক লাইন নির্মাণ ও রক্ষণাবেক্ষণে ডিপ্লোমা প্রকৌশলীদের ভূমিকা অগ্রণী।

২) বিভিন্ন সেচ প্রকল্প যেমন- গঙ্গা-কপোতাক্ষ (জিকে) প্রকল্প, তিস্তা ব্যারেজ, মনু ব্যারেজ, মুহুরী সেচ প্রকল্প প্রভৃতি নির্মাণ, পরিচালনা, মেরামত ও সংরক্ষণে ডিপ্লোমা প্রকৌশলীগণ মুখ্য ভূমিকা পালন করেন।

২) সার : দেশের সার কারখানাগুলোর উৎপাদন প্রক্রিয়ায় ডিপ্লোমা প্রকৌশলীগণ প্রত্যক্ষভাবে জড়িত এবং নেতৃত্ব প্রদানকারী কর্মকর্তাও বটে।

৩) বীজ : বাংলাদেশ কৃষি উন্নয়ন কর্পোরেশন (বিএডিসি)-এর মাধ্যমে বীজ ও কীটনাশক রক্ষণাবেক্ষণ ও সরবরাহ ব্যবস্থায় ডিপ্লোমা প্রকৌশলীগণ মুখ্য ভূমিকা পালন করেন।

৪) কৃষি যন্ত্রপাতি : কৃষি যন্ত্রপাতি তৈরি, বিপণন ও মেরামতিতে ডিপ্লোমা প্রকৌশলীগণ কাজ করেন।

আমাদের দেশের অর্থনীতি কৃষি নির্ভর। দেশের অর্থনৈতিক উন্নয়নে এককভাবে কৃষির অবদান সর্বাধিক। কৃষির উন্নয়নে ডিপ্লোমা প্রকৌশলীগণ অগ্রণী ভূমিকা পালন করে।

শিল্প : শিল্পকারখানা স্থাপন, পরিচালনা ও উৎপাদন প্রক্রিয়ার সর্বোচ্চ পর্যায় থেকে সর্বনিম্ন পর্যায় পর্যন্ত প্রত্যক্ষ ভূমিকা পালনের মাধ্যমে উৎপাদন প্রক্রিয়া সচল রেখে ও উৎপাদন বৃদ্ধির মাধ্যমে দেশের অর্থনৈতিক উন্নয়নে ডিপ্লোমা প্রকৌশলীগণ অবদান রাখেন।

সার্ভিস সেক্টর : দেশের সার্ভিস সেক্টর বর্তমানে প্রযুক্তি নির্ভর। প্রযুক্তিকর্মী হিসেবে ডিপ্লোমা প্রকৌশলীগণ সার্ভিস সেক্টরে গুরুত্বপূর্ণ দায়িত্ব পালন করেন।

রপ্তানি আয় : যে-সব সেক্টর বাংলাদেশের রপ্তানি আয় বৃদ্ধিতে বিশেষ অবদান রাখে তাদের মধ্যে অন্যতম গার্মেন্টস, চামড়া, চা, পাট, হিমায়িত চিংড়ি প্রভৃতি। উল্লিখিত সকল সেক্টরেই ডিপ্লোমা প্রকৌশলীগণ মুখ্য ভূমিকায় জড়িত।

প্রবাসী বাংলাদেশিদের প্রেরিত অর্থ : প্রবাসে যে-সব বাংলাদেশি কর্মরত তার মধ্যে ডিপ্লোমা প্রকৌশলীদের সংখ্যা তুলনামূলকভাবে কম নয়। তা ছাড়া, অন্যান্য জনশক্তির তুলনায় ডিপ্লোমা প্রকৌশলীগণ অধিক বেশি বেতনে বিদেশে নিযুক্তি লাভ করেন এবং তাদের প্রেরিত অর্থের পরিমাণও অধিক। প্রবাসীদের প্রেরিত অর্থ জাতীয় অর্থনৈতিক উন্নয়নে গুরুত্বপূর্ণ ভূমিকা পালন করে।

শিক্ষা :

১.সাধারণ শিক্ষা :

- i) স্কুল পর্যায়ে কমিউনিটি স্কুল প্রোগ্রামে ডিপ্লোমা প্রকৌশলীগণ শিক্ষকতা করছেন।
- ii) বিশ্ববিদ্যালয়সমূহের ল্যাবরেটরিসমূহে সহায়তা প্রদান করছেন।

২.কারিগরি শিক্ষা :

- i) ভোকেশনাল ট্রেনিং ইনস্টিটিউটসমূহ, টেকনিক্যাল ট্রেনিং সেন্টারসমূহ ও বেসরকারি প্রতিষ্ঠান পরিচালিত বৃত্তিমূলক শিক্ষা পরিচালনায় ডিপ্লোমা প্রকৌশলীগণ মুখ্য ভূমিকা পালন করছেন।
- ii) পলিটেকনিক শিক্ষা পরিচালনায় ডিপ্লোমা প্রকৌশলীগণ মুখ্য ভূমিকা পালন করছেন।

স্বাস্থ্যঃমেডিক্যাল ইকুইপমেন্ট বিভাগ-এর মাধ্যমে দেশের হাসপাতালসমূহের মেডিক্যাল ইকুইপমেন্ট স্থাপন ও সচল রাখার জন্য ডিপ্লোমা প্রকৌশলীগণ মুখ্য ভূমিকা পালন করছেন। দেশের মেডিক্যাল কলেজ ও হাসপাতালসমূহের পূর্ত ও বৈদ্যুতিক কর্মসহ মেরামতি ও সংরক্ষণের দায়িত্বে ডিপ্লোমা প্রকৌশলীগণ মুখ্য ভূমিকা পালন করছেন।

বাসস্থান : সরকারি পর্যায়ে শহরাঞ্চলে সাধারণ মানুষের বসবাসের জমি ও গৃহের ব্যবস্থা করে গৃহ সংস্থান অধিদপ্তর, যেখানে ডিপ্লোমা প্রকৌশলীগণ গুরুত্বপূর্ণ দায়িত্ব পালন করছেন। এছাড়াও হাউজিং ও অ্যাপার্টমেন্ট প্রকল্প, ব্যক্তি ও ফার্ম পর্যায়ে মানুষের গৃহায়নে, এবং সাধারণ মানুষের গৃহনির্মাণে ডিপ্লোমা প্রকৌশলীগণ মুখ্য ভূমিকা পালন করছেন।

যোগাযোগ : সব ধরনের যোগাযোগ ব্যবস্থা প্রযুক্তি নির্ভর। আর প্রযুক্তিকর্মী হিসেবে ডিপ্লোমা প্রকৌশলীদের ভূমিকা সর্বত্রই অত্যন্ত গুরুত্বপূর্ণ। বিশেষ করে নবাগত প্রযুক্তি আয়ত্তে পলিটেকনিক এর ডিপ্লোমা প্রকৌশলীদের সাফল্য আকর্ষণীয়।

সর্বোপরি বলা যায়. দেশের সামগ্রিক অর্থনৈতিক উন্নয়নে ডিপ্লোমা প্রকৌশলীগণ গুরুত্বপূর্ণ ভূমিকা পালন করছেন।